



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1546. usque ad annum 1549

**Fleury, Claude**

**August. Vind. [u.a.], 1770**

**VD18 90118529**

§. 84. De Examine Ordinandorum, ac de Beneficiatis.

---

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

permanferint, & spes fit, quod ex studio Sæcul. XVI. A.C. 1549.  
 suo fructum uberiozem in Ecclesia Dei sint parituri: qui vero desides, & otiosi com-  
 perti fuerint, ab eorundem privilegiorum  
 usu, & fructuum perceptione repellantur.

IX. Imperat, ut Collegia alant Theo-  
 logum aliquem docentem, vel binos, qui  
 hanc operam inter se partiantur, concessione  
 fructuum unius præbendæ, auctoritate Apo-  
 stolica in hunc usum suppressenda: aut si  
 illa non sufficiat, unione beneficiorum vel  
 vicariarum, quæ nullam vel non adeo ne-  
 cessariam functionem requirunt, iudicio visita-  
 torum episcopaliurn decernenda, & consocienda.

X. In Universitate Coloniensi le-  
 ctiones Theologicas instaurari imperat.

§. LXXXIV.

*De Examine Ordinandorum, ac de  
 Beneficiatis.*

Alterum caput agit de examine eorum, Collect. Conc. p. 638.  
 qui beneficia obtinent, aut sacris  
 Ordinibus initiari desiderant, hocque

medium Synodus itidem ad decem re-  
 ducit capita, quorum primo exponit  
 hujus examinis necessitatem.

II. Designat eos, ad quos examen  
 pertinet, nimirum Episcopos, Schola-  
 sticos, vel ab Ordinario designandos.

III. Præcipit, ut nemini posthac (ubi  
 digna, & justa causa non est) dentur li-  
 centiatoria, ordines extra suam Diocesim re-  
 cipien-

Sæcul. XVI. A.C. 1549. *cipiendi, nisi prius sit juxta modum præscriptum, in sua Diœcesi examinatus.*

IV. Mandat, ut majoribus ordinibus initiandi trina proclamatione denuntientur in Ecclesia Parochiæ, quam inhabitant, ad percipienda impedimenta, si quæ sunt, quæ debeat Parochus Episcopo, aut Officialibus ejus significare.

V. Præscribit, ut volentes ad Subdiaconatus, vel Diaconatus ordinem promoveri, præsententur, & dent Intitulatores nomina sua feria quarta diem ordinationis præcedente, ac eodem, & sequenti die examinentur hora, quam eis constituent examinatores: promovendi vero ad Sacerdotii gradum, dent nomina sua feria quinta ante diem Ordinationis: quibus similiter statuetur hora, cum simul ob multitudinem examinari non possint: afferant vero promovendi omnes secum testimonia non modo suorum Parochorum, verum etiam præceptorum, aut proborum virorum, apud quos majorem vitæ partem transegerunt, per examinatores discutienda.

VI. Illos quoque examinari vult, qui ad dignitates, animarum curas, aut alia officia instituendi sunt.

VII. Ordinatur, ut in resignationibus beneficiorum eadem cura adhibeatur examinandi eum, in cujus favorem permutatio, vel resignatio concepta est, & præsertim diligens fiat inquisitio, etiam per diserta iuramenta,

menta, num permutatio sit ad contegendum *Sæcul. XVI.*  
*simoniæ vitium fraudulenter excogitata, ac A.C. 1549.*  
*simulata.*

VIII. Præscribit formulas ad exami-  
 nandum aptas juxta diversos Ordinum, ac  
 dignitatum gradus.

IX. Censet petendam esse a Papa de-  
 clarationem, irritantem collationes, quas  
 vocant, pleno jure, nisi præcedat examen e-  
 piscopale, seu eorum, quos Episcopi ad  
 hoc dabunt, & ut potestatem faciat Epi-  
 scopis, ut quos non constaret a sua Sancti-  
 tate, vel alias rite examinatos esse, non te-  
 neantur, quavis licet auctoritate nitentes,  
 ad possessiones Prælaturarum, vel Sacerdo-  
 tiorum curam animarum habentium admit-  
 tere, nisi examine diligenter excussos, at-  
 que probatos.

X. Declarat nullas & irritas esse Be-  
 neficiorum collationes eorum sæcularium,  
 qui jus præsentandi habent aliquem ad be-  
 neficium Ecclesiasticum, sive curatum, sive  
 a cura liberum, qui contra Regulas Cano-  
 nicas annuntur pleno jure conferre, abs-  
 que institutione Canonica, aut præsentat-  
 um via facti intrudere.

Tertium medium de functionibus  
 Ecclesiasticis, & de cujuscunque Ordi-  
 nis officio continet undecim articulos,  
 in quorum primo Synodus ita effatur:  
*Non prodest ad Ecclesiæ ædificationem,  
 Prælatos & Pastores, curam animarum*  
 Z z 3 *haben-*

Sæc. XVI. A.C. 1549. *habentes, fuisse diligenter examinatos, probatos, & legitima manuum impositione institutos, atque admissos, nisi præsent etiam officium, ad quod sunt vocati, & cujus gratia stipendia ab Ecclesia percipiunt.*

II. *Designantur illi, quibus possent Archidiaconi munus suum committere.*

III. *Statuitur, non licere Prælati officia sua pro pecunia pacta alicui committere.*

IV. *Injungitur Judicibus Ecclesiasticis, ut delicta præterita castigent, penitentia salutari pro delicti gravitate imposita: nec penitentiae loco pecuniam emungant, nisi ubi permittunt jura, aut Canones.*

V. *Mandatur, ut muneri suo Collegiorum Præpositi satisfaciant.*

VI. *Statuitur, quod non liceat Decanis abesse a suis Collegiis.*

VII. *Idem decernitur de Abbatisse Collegiorum nobilium Virginum Canonissarum, quas tanto magis oportet collegiis suis adesse, & perpetuo residere, quanto Virgines illæ majori custodia sunt dignæ: Simulque præcipitur, ut Abbatisse, quæ duobus Collegiis præsent, unum relinquunt.*

VIII. *Præscribitur, ut Abbates a suis Monasteriis non discedant.*

IX. *Agitur de restringenda plurimorum beneficiorum curam animarum habentium coacervatione.*

X. *Si Parochi portio non sufficiat, ut honeste, ac decenter ex ea vivatur, ne causa*

fit, cur animæ negligantur, aut deferatur *Sæcul. XVI.*  
 officium, vel ad curas sordidas Pastor ille A.C. 1549.  
 pro victu comparando adigatur, mandamus,  
 Et decernimus, ut justa portio secundum re-  
 formationem ei de decimis Collegii, vel Mo-  
 nasterii bonis assignetur, sive per Episcopum  
 loci, sive per ejus visitatores.

XI. Prohibetur, ne ulla Collegia, Mo-  
 nasteria, vel habentes dignitates, locent Ec-  
 clesiarum suarum regimen cum agris, vineis,  
 sylvis, pratis, Et juribus, rectori plus of-  
 ferenti sub annua pensione: tales enim colo-  
 ni verius, quam Pastores servilibus, Et sor-  
 didis negotiis se dedere, Et majorem tempo-  
 ralium, quam spiritualium bonorum solli-  
 citudinem habere, dignamque animarum  
 curam negligere solent.

§. LXXXV.

*De Episcoporum, atque Archidiaconorum visitationibus.*

Quartum Ecclesiam reformandi me- *Conc. p. 346.*  
 dium Synodus constituit in Epi-  
 scoporum, atque Archidiaconorum vi-  
 sitationibus, hancque in rem septem  
 proponit capita, ex quibus primum a-  
 git de visitationis fine, eumque in cor-  
 rigendis vitiis, ac restauranda morum,  
 ac disciplinæ puritate consistere affir-  
 mat. II. Loquitur de Notario in visita-  
 tione adhibendo. III. De visitatione ex-